

Už na mie nawlykli biołego anieliczka  
Do moczaku narwali cewke  
Dali mi tabletki a obyľbowaka  
Aplikowali mi przez jegłe

Wywiyźli mie z łózkym przez siyń ku wytahu  
Uklidniujóm mie - nie bójcie sie!  
Už mie majóm w rynkach doktorzi w zielónym  
Na epiduralke nóm napichniesz sie

A potym padóm do ćmy, kajsi z dalki słyszim  
Cyrkularke, kładziwko, wirtaczke  
Na chwile'ch se spamiyntoľ, kaj žech je - we stanu?  
Ni, to ortoped mo makaczke

Dalszi przebudzyni juź było na JIPce  
Wykłodóm z doktorem, z manželkóm  
Bedym tu pry trzi dni, jak bedym miyni biydny  
Tak mie na łózkowe przewiezóm

Niebogi tu ležim, nimogym na nogi  
Przimóntowany ku przistrojóm  
Czitóm Ostrawaka, chodzóm mi nawszczewy  
A juź se o mie miyni bojóm

Coroz miyni szlauszków, až žech je ganc wolny  
Siostrziczka mówi - panie drogi  
Podowo mi bierły - jo to myślim waźnie  
Dzisiaj se stawiómy na nogi!

A tak Wóm po roku oto tóm pieśniczkóm  
Dziynkujym doktorzi a siostry  
Osztetrowatelki, uklizeczki, kucharki  
Jednodusze wszecy ze Sosny

Dziynkujym Wóm, thank you very much, spasiba  
Ďakujem za všetko, Danke schön  
A z tym dalszim kľymbym zaś tak moc nie śpiychóm  
Nejrychli tak za rok na jesiń